

ժիւր: Եւ երիտասարդ-թիւրքերի յաղթանակը զգալի չափով արդիւնք էր նաև հայերի օժանդակութեան:

Երբ Իտալիան յարձակեց Տրիպոլիի վրա, թրքահայ ժողովուրդը, հակառակ Ատանայի արիւնոտ յիշատակների, նորից կառավարութեան կողքին էր՝ անվարան նպաստելով երկրի պաշտպանութեան գործին: Պետութեան սպառնացող վտանգը հայութիւնն ընդունում էր վտանգ և իրեն համար:

Եւ, սակայն, թիւրքերը ոչ միայն չգնահատեցին հայ ժողովրդի այս անկեղծ զգացմունքները, ո՛չ միայն չաշխատեցին նրա մէջ խորացնելու և ամրացնելու օսմանեան պետականութեան գաղափարը, այլ, կարծես դիտաւորեալ կերպով, թափեցին ամէն ճիգ ու ջանք՝ սառցնելու համար հայերի նման վերաբերումը, յետ մղելու նրանց իրենցից ու թիւրքեալից: Երբ սկսեց թիւրք-բալկանեան պատերազմը, հայերի մէջ այլևս հաւատ ու խանդավառութիւն չէր մնացել: Պատրիարքարան, կուսակցութիւններ, հանրային կարծիքը, բովանդակ՝ ժողովուրդը եկել էին այն համոզման, որ առանց դրսի միջամտութեան հայերի վիճակը չի բարեփոխուի: Այս տրամադրութեան հետևանքով էր, որ, օրինակ, պատերազմի ընթացքին բուլղարահայութիւնը կազմակերպեց թիւրքեալի դէմ Անդրանիկի կամաւորական խումբը:

Նոյն տրամադրութեան հետևանքով ծնունդ առաւ նաև կաթողիկոսական պատերազմութիւնը Եւրոպայում՝ Պօղոս Նուպարի գլխաւորութեամբ: Հայերը նորից բռնեցին քաղաքական այն ուղին, որով ընթացել էին Բերլինի վեհաժողովից ի վեր — փչոտ, վտանգաւոր, թէ՛ հայերի և թէ՛ թիւրքերի համար հաւասարապէս փորձութիւններով հարուստ ուղի: Սակայն, ուրիշ հեռանկար չէր տեսնում. «վերածնուող» թիւրքիան էլ, ինչպէս առաջները սուլթանական թիւրքիան, հայերին մղում էր դէպի ա՛յդ ուղին:

Եւ այս անգամ, կարծես, յաջողութիւնը ժպտում էր հայերին. մեծ պետութիւններ կամ, աւելի ճիշտ, ուս-գերմանական երկար ու տաղտկալի վէճերից ու սակարկութիւններից յետոյ, որոնց ընթացքին Գերմանիան ողի ի բռին պաշտպանում էր թիւրքերին, իսկ Ռուսաստանը պնդում էր հայկական բարենորոգումների վրա, վերջ ի վերջոյ, 1914թ. յունւար 26-ին, մեծ-վեզիր Սալիտ-Հալիմի և Ռուսաստանի Պոլսի գործակատար Գուլկելիչի միջև ստորագրեց բարենորոգումների ծրագիրը: Գերմանիան հրաժարեց ղենել իր ստորագրութիւնը այդ թղթի տակ:

Համաձայն այդ ծրագրի հայկական վեց վիլայէթներին պիտի կցւէր Տրապիզոնի նահանգն եւս և այդ ամբողջ շրջանը պիտի բաժանւէր երկու ընդհանուր քննչութիւնների, կամ, ինչպէս սիրում էին ասել հայերը, մարզպանութիւնների: Առաջին շրջանը պիտի բաղկանար էրզրումի, Տրապիզոնի և Սըվազի վիլայէթներից, երկրորդը՝ Վանի, Բիթլիսի, Սարբերդի և Տիգրանակերտի: Ընդհանուր քննիչները պէտք է լինէին եւրոպացիներ: Նրանց նշանակումը կատարելու էր Բ. Գուտը՝ համաձայն մեծ պետութեանց առաջարկելիք թեկնածուների: